

MOZIO ARRUNTA
JON ENPARANTZAREN EGOERA SALATZEKO

Miren Azkarate Villar, EAJ-PNV udal taldeko bozeramaileak, Amaia Almirall Lopez de Luzuriaga, EH BILDU udal taldeko bozeramaileak, eta Amaia Martin Garin Irabazi Udal taldeko bozeramaileak Udalbatzaren Organo Araudiko 98. artikulua oinarri, honako MOZIO ARRUNT hau aurkezten dute, Jon Enparantza donostiarraren egoera dela-eta.

JUSTIFIKAZIOA

2014ko urtarrilaren 8an, atxilotu zuten Jon Enparantza, donostiarra, beste bi abokatu eta 5 euskal herritarrekin batera. 5 egunez atxilotuta egon ostean, behin behineko espetxeratze agindua eman eta geroztik preso dago.

Talde armatuko kide izatea leporatzen badiote ere, ez dute gertaera horregatik epaitu ezta kondenatu ere. Jon Enparantzak urte eta bederatziz hilabete daramatza isolamenduan, modulu berezi batean isolatuta daukate.

Zein da zehazki Jon pairatzen ari den isolamendu erregimena?

Inolako jarduerarik gabeko bizimodua, eguneroko neurri mugatzaileak, sabaia itxita duen patio batera lau orduz ateratzen dute, beste inorekin egoteko aukerarik gabe. Neurri hauekin batera, ziegan ezin ditu bere gauza guztiak izan, liburuak, arropak, garbitasunezko gauza pertsonalak mugatu egiten dizkiote.

Ez du hogeit metro baina gehiago ibiltzeko aukerarik. Patio txiki batera ateratzen da, ziegatik hiru pausutara dagoena. Beheko solairuan dago, beraz, hormigoia besterik ez du ikusten. Eguzkia oso gutxietan ikusi du.

Isolamenduko moduluan edo modulu berezian egiten dizkieten miaketak gorputz osoa haztatuta eta ziegatik ateratzen den guztietan gertatzen da. Ziegako miaketak ere ohikoak dira. Gutunak mugatuak eta interbenituak ditu. Telefono deiak, funtzionarioz inguratuta inolako intimitaterik gabe egin behar ditu, eta gainera eurek erabakitzen dute noiz egin behar dituen deiak. Komunikazio guztiak entzun eta mugatu egiten dizkiote.

Bizi baldintza anker eta umiliagarri guzti hauez gain, beste neurri hauek ere salatu nahi ditugu: Etxetik eta senide eta abokatuengandik 408 kilometrotara dago.

Egoera honen aurrean zera adierazi nahi dugu:

Espetxe politikak errealitate mintsu eta ahuletan du eragina, besteak beste, preso dauden pertsonengan, beren familiengan eta hauek guztiek dituzten eskubideetan.

Preso guztiek, edozein izanik ere kartzelan egotera eramán dituzten arrazoiak, tratu juridiko berdina izan beharko lukete, legedi eta araudi berdina ezarriz. Berau, erabat demokratikoa, justua eta ezinbestekoa den printzipioa baita.

Guzti honengatik, Jon Enparantzaren egoeraren aurrean eta hau salatu eta aldatzeko asmoz, honako mozio arrunta aurkezten dugu Udal Osoko Bilkurak eztabaida eta onar dezan:

1. Udal honek, Jon Enparantzak bizi duen egoera larri honen aurrean, bere egonezina eta kezka adierazi nahi du, isolamendu egoeratik atera eta bere eskubideak errespetatuak izango diren egoera berria eskatuz, hau horrela, epaileak beharrezkoak diren neurriak har ditzala jarduketak beharrezko bizkortasunarekin burutzeko eta ondorioz, ahozko ikustaldirako deia egin dezala ahalik eta arinen. Horrela, salbuespeneko behin-behineko espetxeratze neurriari amaiera emateko.
2. Donostiako Udalbatzaren Osoko Bilkurak konpromisoa hartzen du Espetxe Erakundeari eskatuko diola, Jon Enparantzaren egoera alda dezala eta kartzelan bizi duen egoera azter dezala, bertako administrazioak erabilitako praktikak zuzenbidearekin eta giza eskubideen bat datozela berma ditzala.
3. Donostiako Udalbatzaren Osoko Bilkurak konpromisoa hartzen du Zigor legeriak hala ezartzen duelako, Jon Enparantza bere bizitokitik hurbilen dagoen espetxera hurbiltzea eskatzeko Espetxe Erakundeari (gainontzeko preso oro moduan), gaur egungo egoerak zigor erantsia ekar ez diezaion, ez berari ezta bere senideei ere.

4. Udal honek, Jon Enparantza prebentibo dagoela jakinik, epaitu gabe alegia, epaiketa gehiago ez atzeratzea eskatuko du behar den erakundeetan, eta hala gertatzen ez bada, eskatzeko eskatuko du.
5. Donostiako Udalbatzaren Osoko Bilkurak konpromisoa hartzen du Segoviako Kartzelako zuzendariarekin harremanetan jarriko dela, Jonek bizi duen egoera alda dezala eskatzeko eta mozio honen berri emateko
6. Donostiako Udalbatzaren Osoko Bilkurak konpromisoa hartzen du mozio hau Udalak dituen bitarteko ezberdinen bitartez jakinaraziko zaiela herritarrei, Espainiako Gobernuko Delegazioari, Justizia ministroari, Auzitegi Nazionaleko lehendakariari eta baita Espetxe Erakundeari ere.

Donostian, 2015eko urriaren 9.

Miren Azkarate Villar

EAJ-PNV udal taldeko bozeramailea

M. Amaia Almirall Lopez de Luzuriaga

EH Bildu udal taldeko bozeramailea

Amaia Martin Garin

Irabazi Donostia udal taldeko